

Capitulum. Isaiae 60.

OMNES de Saba vénient, aurum et thus deferéntes, et laudem Dómino annuntiántes.

R. br. Adoráte Dóminum, * Alleluia, alleluia. Adoráte Dóminum, alleluia, alleluia. **f.** In aula sancta ejus. Alleluia, alleluia. Glória Patri, et Fílio et Spirítui sancto. Adoráte Dóminum, alleluia, alleluia. **f.** Adoráte Deum, alleluia. **R.** Omnes Angeli ejus, alleluia.

f. Dóminus vobíscum.

R. Et cum spíritu tuo.

Orémus. Oratio.

DEUS, qui hodiérna die Unigéni- tum tuum géntibus stella duce revelásti : concéde propítius, ut qui jam te ex fide cognóvimus usque ad contemplándam spéciem tuæ celsitúdinis perducámur. Per eúmdem Dóminum nostrum Jesum Christum Fílium tuum : Qui tecum vivit, et regnat in unitáte Spíritus sancti, Deus,

per ómnia sæcula sæculórum. **R.** Amen.

f. Dóminus vobíscum. etc. p. 12.

AD MISSAM.

Statio ad Sanctum Petrum.

Introitus.

Ecce advénit Dominátor Dómi- nus : et regnum in manu ejus, et potéstaſ, et impérium. **Ps.** Deus, judícium tuum regi da : et justí- tiam tuam fílio regis. **f.** Glória Patri, et Fílio, et Spirítui sancto. Sicut erat in principio, et nunc et semper, et in sæcula sæculórum. Amen. Ecce advénit Dominátor Dóminus : et regnum in manu ejus, et potéstaſ, et impérium.

Kyrie, éléison. Kyrie, éléison. Kyrie, éléison. Christe, éléison. Christe, éléison. Kyrie, éléison. Kyrie, éléison. Kyrie, éléison. Kyrie, éléison.

Gloria in excélsis Deo, et in ter- ra pax homínibus bonæ vol- luntátis. Laudámus te. Benedí-

cimus te. Adorámus te. Glorificá-
mus te. Grátias ágimus tibi pro-
pter magnam glóriam tuam. Dó-
mine Deus, Rex cœlestis, Deus
Pater omnípotens. Dómine Fili
unigénite, Jesu Christe. Dómine
Deus, Agnus Dei, Fílius Patris.
Qui tollis peccáta mundi, misé-
rére nobis. Qui tollis peccáta
mundi, súscipe deprecationem
nostram. Qui sedes ad dexteram
Patris, miserére nobis. Quóniam
Tu solus sanctus, Tu solus Dó-
minus, Tu solus altíssimus, Jesu
Christe, cum sancto Spíritu, in
glória Dei Patris. Amen.

V. Dóminus vobíscum.

R. Et cum spíritu tuo.

Orémus. **Oratio.**

DEUS, qui hodiérna die Unigé-
nitum tuum Géntibus stella
duce revelásti : concéde propí-
tius ; ut qui jam te ex fide cognó-
vimus, usque ad contemplándam
spéciem tuæ celsitúdinis perdu-
cámur. Per eúmdem Dóminum

nostrum Jesum Christum Fílium
tuum : Qui tecum vivit et re-
gnat in unitáte Spíritus sancti,
Deus, per ómnia sæcula sæculó-
rum. **R.** Amen.

Léctio Isaíæ Prophétæ.

C. 60. v. 1.

SURGE, illumináre, Jerúsalem :
quia venit lumen tuum, et
glória Dómini super te orta est.
Quia ecce ténebrae opérunt ter-
ram, et calígo pópulos : super te
autem oriétur Dóminus, et gló-
ria ejus in te vidébitur. Et ambu-
lábunt Gentes in lúmine tuo, et
reges in splendóre ortus tui. Le-
va in circúitu óculos tuos, et vi-
de : omnes isti congregáti sunt,
venérunt tibi : fílli tui de longe
vénient, et fíliæ tuæ de látere
surgent. Tunc vidébis, et afflues,
mirábitur, et dilatábitur cor
tuum, quando convérsa fúerit ad
te multitúdo maris, fortitúdo
Géntium vénerit tibi. Inundátio
camelórum opériet te, dromedárii

Mádian et Ephá : omnes de Saba
vénient, aurum et thus deferéntes,
et laudem Dómino annun-
tiántes. **R.** Deo grátias.

Graduale. Omnes de Saba vé-
nient, aurum et thus deferéntes,
et laudem Dómino annun-
tiántes. **f.** Surge, et illumináre, Jerúsa-
lem : quia glória Dómini super
te orta est.

Allelúa, allelúa. **f.** Vídimus
stellam ejus in Oriénte, et véni-
mus cum munéribus adoráre Dó-
minum. Allelúa.

**Sequentia sancti Evangélii secún-
dum Matthæum. C. 2. v. 1.**

Cum natus esset Jesus in Béthle-
hem Juda in diébus Heródis
regis, ecce Magi ab Oriénte vené-
runt Jerosólymam , dicéntes :
Ubi est qui natus est rex Judæo-
rum ? Vídimus enim stellam ejus
in Oriénte, et véniimus adoráre
eum. Audiens autem Heródes
rex turbátus est, et omnis Jero-
sólyma cum illo. Et cóngregans

omnes príncipes sacerdótum, et
scribas pópuli, sciscitabátur ab
eis, ubi Christus nascerétur. At
illi dixérunt ei : In Béthlehem
Judæ. Sic enim scriptum est per
Prophétam : Et tu Béthlehem
terra Juda, nequáquam mímina
es in príncipibus Juda: ex te enim
éxiet dux , qui regat pópulum
meum Israel. Tunc Heródes, clam
vocatis Magis, diligénter dídicit
ab eis tempus stellæ, quæ appá-
ruit eis : et mittens illos in Béth-
lehem, dixit : Ite, et interrogá-
te diligénter de púero : et cum
invenéritis, renuntiáte mihi, ut
et ego véniens adórem eum. Qui
cum audíssent regem, abiérunt.
Et ecce stella quam víderant in
Oriénte antecedébat eos, usque
dum véniens staret supra ubi
erat puer. Vidéntes autem stellam
gávisi sunt gáudio magno valde.
Et intrántes domum invenérunt
púerum cum María matre ejus
(Hic genuflectitur), et procidéntes

adoravérunt eum. Et apértis thesáuris suis obtulérunt ei múnera, aurum, thus, et myrrham. Et respónso accépto in somnis ne redírent ad Heródem, per áliam viam revérsi sunt in régionem suam.

B. Laus tibi, Christe.

CREDO in unum Deum Patrem Omnipoténtem, factórem cœli et terræ, visibílum ómnium, et invisibílum. Et in unum Dóminum Jesum Christum, Fílium Dei unigénitum. Et ex Patre natum ante ómnia sæcula. Deum de Deo, lumen de lúmine, Deum verum de Deo vero. Génitum, non factum, consubstantiálem Patri : per quem ómnia facta sunt. Qui propter nos hómines, et propter nostram salútem descéndit de cœlis. (**Hic genuflectitur**). Et incarnátus est de Spíritu sancto ex María Vírgine : Et homo factus est. Crucifíxus étiam pro nobis : sub Póntio Piláto passus, et se-

púltus est. Et resurréxit tértia die, secúndum Scriptúras. Et ascéndit in cœlum : sedet ad dexteram Patris. Et íterum ventúrus est cum glória, judicáre vivos et mórtuos : cujus regni non erit finis. Et in Spíritum sanctum, Dóminum et vivificántem : qui ex Patre Filióque procédit. Qui cum Patre, et Fílio simul adorátur, et conglorificátur : qui locútus est per Prophétas. Et unam sanctam Cathólicam et Apostólicam Ecclésiam. Confíteor unum baptísma in remissiónem peccatórum. Et exspécto resurrectióne mortuórum. Et vitam ventúri sæculi. Amen.

F. Dóminus vobíscum. **B.** Et cum spíritu tuo.

Orémus.

Offertorium. Reges Tharsis et insulæ múnera ófferent : reges Arabum et Saba dona addúcent : et adorábunt eum omnes reges terræ, omnes Gentes sérvient ei.

Secreta.

ECCLESIÆ tuæ, quæsumus, Dómine dona propítius intuére : quibus non jam aurum, thus, et myrrha profértur : sed quod eísmem munéribus declarátur, immolátur et súmitur Jesus Christus Fílius tuus Dóminus noster : Qui tecum vivit et regnat in unitáte Spíritus sancti Deus.

PRÆFATIO.

Quæ dicitur per totam Octavam.

PER ómnia sæcula sæculórum. **R.** Amen. **V.** Dóminus vobíscum. **R.** Et cum spíritu tuo. **V.** Sursum corda. **R.** Habémus ad Dóminum. **V.** Grátias agámus Dómino Deo nostro. **R.** Dignum et justum est.

Vere dignum et justum est, æquum et salutáre, nos tibi semper, et ubique grátias ágere : Dómine sancte, Pater omnípotens, aetérne Deus. Quia cum Unigénius tuus in substántia nostræ mortalitatis appáruit, nova nos

immortalitatis suæ luce reparávit. Et ídeo cum Angelis et Archángelis, cum Thronis et Dominationibus, cumque omni milítia cœlestis exércitus, hymnum gloriæ tuæ cánimus, sine fine dicéntes :

Sanctus, Sanctus, Sanctus, Dóminus Deus Sábaoth. **P**leni sunt cœli et terra glória tua, **H**osánnā in excélsis. **B**enedictus qui venit in nómine Dómini, **H**osánnā in excélsis.

Communio. Vídimus stellam ejus in Oriénte : et vénimus cum munéribus adorare Dóminum.

V. Dóminus vobíscum. **R.** Et cum spíritu tuo.

Postcommunio.

Orémus.

PRÆSTA, quæsumus omnípotens Deus : ut quæ solénni celebrámus offício, purificatæ mentis intelligéntia consequámur. Per Dóminum nostrum Jesum Christum Fílium tuum : Qui te-